

ՆՈՐ-ՆԱԽԻՋԵՎԱՆԻ ԻՆՔՆԱՎԱՐՈՒԹՅՈՒՆԸ

Վ. Բ. ԲԱՐԽՈՒԴԱՐՅԱՆ

Պատմական տարաբախտ պայմանների բերումով մայր հայրենիքից սկիզբ առած դանգվածային արտագաղթի հետևանքով աշխարհի տարբեր երկրամասերում բաղմաթիվ հայ գաղթօջախներ առաջացան, որոնք գոյատևել են և իրենց ներդրումը կատարել հայ հասարակական-քաղաքական և մշակութային կյանքում:

Հայ ժողովրդի ազատագրման իրական հնարավորությունը բացառապես Ռուսաստանի հետ հապելու հետևանքով առանձնապես մեծանում է ռուսահայ գաղթօջախների նշանակությունը, որոնց մեջ զգալի է XVIII դարի վերջին քառորդում ստեղծված Նոր-Նուխիջևանի գաղութի դերը: Եղովթի հիմնադրումը, նրա լայն ինքնավարությունը ստանալու հանգամանքը հասկանալի ու պատճառաբանված կլինի, եթե համառոտակի ուրվագծենք պայմանավորող ժամանակի պատմական իրադրությունը:

Յկատերինա II-ը իր թագավորության շրջանում որդեգրեց Ռուսաստանի համար բախտորոշ նշանակություն ունեցող պետության քաղաքականության սկզբունքները և մասնավորապես XVIII դ. վերջին քառորդում սկսեց ակտիվորեն իրականացնել այն: Հաջողություններն առավել նշանակալից էին հարավային սահմանագծերը ընդարձակելու և Սև ծով դուրս գալու ռուսական արդյունքի վաղուց փայփայած նպատակները իրականացնելու խնդրում:

Ռուսաստանի հարավային լայնածավալ տափաստանները, կամ ինչպես ընդունված է ասել պատմական գրականության մեջ՝ Նովոռոսիան, զրեթե անմարդաբնակ, ամայի երկրամաս էր: Այդ հսկայական տարածությունները բաժանում էին Ռուսաստանը Թուրքիայի տիրապետության տակ գտնվող Սև և Ազովի ծովերի հյուսիսային ափերից և մեծ չափով դժվարացնում նրանց զբաղումը: չկար բնակչություն, հետևապես և արշավող զորքերի համար չկային ժամանակավոր հանգստի բնակավայրեր, չկար ջուր, պարեն, վառելիք¹:

Յկատերինա II-ի կառավարությունը հասկանում էր, որ առանց հարավային տափաստանների բնակեցման և տնտեսական յուրացման անհնար է նվաճել և ամրանալ Սև ծովի հյուսիսային ափերում: Ահա թե ինչու կառավարությունը ռազմական առաջընթացին զուգընթաց մեծ ջանքեր է գործադրում երկրամասի բնակեցման ուղղությամբ: Վերաբնակեցման շարժումը կազմակերպված բնույթ է ընդունում հատկապես XVIII դ. 70-ական թթ. սկսած, երբ Նովոռոսիայի, Ազովի և Աստրախանի նահանգների կառավարիչ է նշանակվում մեծ կշիռ ու հեղինակություն ունեցող և անսահման իրավունքներից օգտվող Գ. Ա. Պոտյոմկինը:

Նովոռոսիայի բնակեցումը նախատեսվում էր կատարել լայն մասշտաբներով: Եվ իրոք, արավում վերաբնակվողների նկատմամբ պետության հովանավորող քաղաքականության շնորհիվ արագորեն աճում է բնակչությունը: Սակայն այն մեծ ծավալ ընդունել չէր կարող, քանի որ լորտատիրական կարգերի հարուցած խռնդոտների հետևանքով ռուսական և ուկրաինական տարրեր բավական չէր լայնածավալ երկրամասը յուրացնելու համար: Ահա թե ինչու հարավի վերաբնակեցումը արագացնելու շարժասիթներով կառավարությունը նոր միջոցների է դիմում և տնտեսական մեծ արտոնություններ, դավանանքի ազատություն, սեփական օրենքներով ու ազգային սովորություններով դատավարության իրավունքներ տալով՝ այնտեղ է հրավիրում նաև տարերկրացիներին²: Գ. Պոտյոմկինը խոշոր միջոցներ է ծախսում և կանգ չառնելով արգելքների առջև, մեծ եռանդով ու համառությամբ ձեռնարկում է նոր երկրամասը վերափոխելու ընդարձակածավալ շինարարական աշխատանքներ: Տարբեր երկրներից և կենտրոնական Ռուսաստանից հրավիրվում են ճարտարապետներ ու այլ մասնագետներ, մեկը մյուսի հետևից հիմնադրվում էին նոր քաղաքներ, նավահանգիստներ, ռազմական ամրոցներ ու գյուղեր:

¹ Տե՛ս Ա. Մ. Миллер, Заселение Новороссийского края и Потемкин. Харьков, 1895, էջ 10—11:

² Տե՛ս նույն տեղում, էջ 44—45:

³ Տե՛ս նույն տեղում, էջ 35—40:

կայսրության հարավային սահմանների ընդարձակումը կատարվում էր Թուրքիայի դիվանագիտական և ռազմական դիմադրությունը հաղթահարելու ճանապարհով:

Առաջին ռուս-թուրքական պատերազմի հաջող ավարտից հետո, 1774 թ. Քյուչուկ-Կայնարջիի հաշտության դաշնագրով Ռուսաստանին հաջողվեց ղղայի տարածություններ և քաղաքներ միացնելուց զատ հասնել նաև այն բանին, որ Ղրիմի խանությունը անջատվի Թուրքիայից և անկախ հայտարարվի⁴։ Դրանով հնարավորություն էր բացվում Ղրիմի հարցը արմատականորեն լուծելու թերակղզին կայսրությանը միակցելու համար:

Ղրիմի միացումը հնարավորություն կընձեռներ Ռուսաստանին դուրս գալու ծով, կապահովեր բնակչության անվտանգությունը՝ թաթարական ավազակային հարձակումներից և առավել նպաստավոր պայմաններ կստեղծեր երկրամասի յուրաքանչյուր սեփական առևտրի ընդարձակման համար⁵։

Ռուսաստանի հարավային մերձծովյան տափաստանների բնակեցման ու տնտեսական յուրացման և Ղրիմի միացման նպատակով տարվող լարված պայքարի պայմաններում կառավարական ոլորտներում հղացավ թերակղզու քրիստոնյա ազգաբնակչության գաղթեցման ծրագիրը:

Ղրիմի խանության ներսում արհեստներն ու առևտուրը, երկրագործությունն ու այգեգործությունը գրեթե ամբողջությամբ գտնվում էին քրիստոնյաների՝ հայերի և հույների ձեռքում: Խանի եկամուտների հիմնական աղբյուրը նույնից զանձվող հարկերն ու տուրքերն էին⁶։ Քրիստոնյա բնակչությունը Ղրիմից դուրս բերել կնշանակեր մեծ հարված հասցնել խանին, ղրկել նրան զլխավոր եկամուտների աղբյուրներից և տնտեսական կախման մեջ դնել կայսրությունից: Հայերի և հույների գաղթեցումով միաժամանակ հնարավորություն էր ստեղծվում Նովոռոսիայի անմարդաբնակ տափաստանները առևտրի, արհեստագործության և երկրագործության մեջ հրմտացած ժողովուրդներով բնակեցնելու, դարերով խոպան հողերը մշակելու, տնտեսական կյանքը աշխուժացնելու:

Ահա թե ինչու 1778 թ. գարնանից Ղրիմի քրիստոնյա բնակչության գաղթեցումը դառնում է Եկատերինա II-ի կառավարության՝ հարավային Ռուսաստանում տարվող քաղաքականության կարևոր խնդիրներից մեկը:

1778 թ. օգոստոսին, ակնկալվող արտոնությունների հույս փայփայելով՝ գաղթականի ցուպ են վերցնում Ղրիմի հայ զանգվածները: Արտագաղթող ղրիմահայերը, որոնց թիվը հասնում էր շուրջ 12600 հոգու, մեկուկես տարի ճանապարհներին դեգերելով, մեծ դժվարություններ ու զորկանքներ կրելով⁷, 1780 թ. հունվարին հասնում են իրենց հատկացված մշտական բնակավայրը Դոն գետի աջափնյա հարթավայրում՝ Դիմիտրի Ռոստովսկու ամրոցի մերձակայքը: Հանդիսավոր իրադրության մեջ, ամրոցի պետի և Դոնի հեծելազորի մասնակցությամբ ու զինվորական երաժշտախմբի նվագակցությամբ նոր բնակավայրի ծնունդը ազդարարող հրանոթների կրակոցների տակ ռուսահայերի հոգևոր առաջնորդ Հովսեփ արքեպիսկոպոս Արղությանը կատարում է Նախիջևան քաղաքի և ապա Չալդր, Թուփտի, Մեծ-Սալա, Սուլթան-Սալա և Նեսվիտա հայկական գյուղերի հիմնարկման արարողությունը:

Այսպիսով ղրիմահայերի գաղթը և Նոր-Նախիջևանի հիմնադրումը տեղի չի ունեցել տարերայնորեն, այն կազմակերպված էր ռուսական կառավարության կողմից և, ինչպես նկատեցինք, պայմանավորված էր վերջինիս տնտեսական ու ռազմա-քաղաքական ձգտումներով: Ցարական կառավարության այդ որոշակի հետաքրքրություններն էլ շատ բանով կանխորոշում էին նոր հաստատվող գաղութի իրավունքների ու ինքնավարության շրջանակները: Նոր-Նախիջևանը, իր հինգ հայկական գյուղերով, բավական մեծ առանձնաշնորհումներ և ազգային սովորութային նորմերի վրա խարսխվող ինքնավարություն ստացավ: Առաջ անցնելով, սակայն, պետք է նկատել, որ վերաբնակեցումը ավարտելուց փոքր-ինչ հետո, դարավերջին և առանձնապես XIX դարի արդեն առաջին տասնամյակներից կառավարության վերաբերմունքի մեջ հակադարձ երևույթ է

⁴ Տե՛ս Ե. Ի. Дружинина, Кучук-кайнарджийнский мир 1774 г., М. 1955, էջ 279—280:

⁵ Տե՛ս Կ. Բ. Петрушевский, Генералиссимус князь Суворов, т. I, СПб. 1884, էջ 207:

⁶ Տե՛ս Գ. Писаревский, Из истории иностр. колониз. в России в XVIII в., М., 1909, էջ 206:

⁷ Տե՛ս «Կոռնկ Հայոց Աշխարհին», 1863, էջ 321:

⁸ ՀՍՍՌ Միևիստրների սովետին աորնթեր հին ձեռագրերի գիտա-հետազոտական ինստիտուտ, Մատենադարան, ձեռ. N° 8815, թ. 265—268:

սկսվում։ Հարևան գավառներից, նահանգային վարչությունից և արքունիքի պետական պաշտոնյաների կողմից գաղութի առանձնաշնորհումները վերացնելու նպատակով հաճախակի միջամտություններ և անընդմեջ յաստկացող հարվածներ են տեղում։

Դրանց ընդդիմանալու համար գաղթօջախի հայությունը մշտապես վկայակոչել է իր ինքնավարությունը կայսերական շնորհագրով հաստատվելու և սրանով կյանքի կոչվելու հանգամանքը։ Այլ խոսքով՝ շուրջ հարյուրամյա ինքնուրույն գոյության ընթացքում Նոր-Նախիջևանի՝ «բարձրագույն շնորհագրով» հաստատված ինքնավարությունը այն հիմնական կովանն է եղել, որով նա պայքարել է իր գոյատևման համար։

XVIII դարի վերջին քառորդում ազատագրական ակնկալությունների աշխուժացման մթնոլորտում, Ռուսաստանի հովանավորության ներքո հայկական պետականությունը վերականգնելու «ղաշնադրության» նախագծերի մշակման շրջանում Կովկասի նախագոներում զուտ հայաբնակ քաղաքի և հինգ գյուղերի հիմնադրումը մեծ տպավորություն է գործում ժամանակի հայության վրա։ Նոր-Նախիջևանում հայկական ինքնուրույն կյանքը վերականգնելու, հայկական մշակույթը պարգայնելու հույսեր են ծնվում։ Այս առումով որոշակի պատմական հետաքրքրություն են ներկայացնում հայկական ազատագրական շարժումների ավանգարդում ընթացող հնդկահայ հատվածի կողմից Նախիջևանում հայկական դարոց բանալու մեծագումար նվիրաբերությունները, ռուսահայ ազատագրական գործիչների կողմից Լազարյան ճեմարանը Մոսկվայի փոխարեն (ինչպես նշված էր Հովհաննես Լազարյանի կտակում)՝ Նոր-Նախիջևանում հիմնելու մտահղացումը, Հովակիմ Լազարյանի հակվածությունը դրան և այդ առիթով սկսված բանակցություններն ու գրադրությունները⁹, հալդարյանի հայկական տպարանը 1780-ական թթ. վերջում Պետերբուրգից Ն. Նախիջևանի Ս. հաշ վանքը տեղափոխելու¹⁰ իրողությունը և ուրիշ խոսույն փաստեր։

Ռուսական արքունիքը, զրիմահայերին ազգային սովորությունների վրա խարսխվող ինքնավարություն ապահովելով՝ յուրովի արձագանքում էր հայ ժողովրդի ազատագրական բաղձանքներին։ Հարկավ, առանց միտումի չէր, որ Նոր-Նախիջևանը և շրջակա հայկական գյուղերը նահանգապետի տարեկան հաշվետվություններում և այլ պաշտոնական փաստաթղթերում «հայկական օկրուգ» անունով էին կոչվում։

Նշանակալից է եղել Նոր-Նախիջևանի ինքնավարության ազդեցությունը ռուսահայ կյանքի վրա։ Աստրախանի, Ղզլարի, Մոզդուկի, Գրիգորիոպոլի և մյուս գաղութները ձգտել են համանման իրավունքներ ու արտոնություններ ստանալ և սեփական ինքնուրույնությունը պահպանելու գոյամարտերում հաճախ են վկայակոչել և նեցուկ դարձրել Նոր-Նախիջևանին տրված առանձնաշնորհումները։ Ահա թե ինչու որոշակի հետաքրքրություն է ներկայացնում գաղութին տրված առանձնաշնորհումների և այդ հիման վրա ձևավորված նրա ինքնավարությանը ի մոտո ծանոթությունը։

Նոր-Նախիջևանի ինքնավարության առաջացումը երկար նախապատմություն ունի և անշուշտ ավելի վաղ է սկսվել, քան տեղի է ունեցել գաղութի հիմնադրումը։ Տակավին նախքան գաղթագնացությունը, երբ առաջ եկավ և որոշակի կազմակերպված բնույթ ընդունեց թերատոնյա բնակչության տեղահանման հարցը, ինչպես հայերին, այնպես էլ գաղթեցման ենթակա մյուս ազգաբնակչությանը, բնականաբար, առաջին հերթին հետաքրքրում և մտահոգում էր իրենց ապագա համակեցության հեռանկարը։ Ղրիմի հայ և հույն ազգաբնակչությունը 1778 թ. հուլիսի 16-ին ռուսական զորքերի գլխավոր հրամանատար Ֆելդմարշալ Ռումյանցև-Ջաղու-նայսկուն և նրա միջոցով կայսրուհուն՝ Կատարինան, ներկայացնում է կամովին ռուսաց տիրապետության սահմաններում վերաբնակվելու համաձայնագիր և միաժամանակ առաջադրում որոշ պահանջներ։ Ղրիմում թողնելիք շարժական և անշարժ գույքի արժեքը փոխհատուցելու, ճանապարհի ծախսերը և ընթացիկ այլ պետքերը կառավարության կողմից հոգալու պայմանից զատ վերաբնակվողները միաժամանակ ներկայացնում են ապագայի իրենց կյանքի պայմաններն ապահովող մի շարք պահանջներ, որոնք հիմնականում վերաբերում էին հետևյալին.

1. Ազուվի նահանգում նոր բնակավայրի կոնկրետ տեղի ընտրությունը վերապահել իրենց։

2. Տաս տարի ժամանակով ազատել ամեն տեսակ հարկերից և պետական պարտավորություններից, իսկ տաս տարուց հետո պահանջվելիք հողային հարկի, գլխահարկի և մյուս տուրքերի չափը որոշել նախօրոք։

3. Ընդմիջտ ազատել զինվորագրությունից (ռեկրուտ) և զորքին օթևան հատկացնելու (պոստոյ) պարտավորությունից։

⁹ Տե՛ս Մատենադարան, Լազարյանների արխիվ, թ. 104, գ. 4, վ. 3։

¹⁰ Տե՛ս Մատենադարան, Կաթողիկոսական դիվան, թ. 6, վ. 18։

4. Գաղթողների հոգևոր առաջնորդներին ցմահ վերապահել իրենց իրավունքները:

5. Դատավարության գործերի տնօրինումը թողնել վերաբնակվողներին, որոնք այդ նպատակով իրենց միջից հատուկ անձնավորություններ կարող են ընտրել և դատական խնդիրներում հաշվետու լինել միայն նահանգային վարչությանը¹¹:

Պահպանված վավերագրերից երևում է, որ ղրիմահայերը չէին բավարարվում սոսկ պայմաններ առաջադրելով: Տեսնելով գաղթը անաղմուկ և հապշտապ կաղմակերպելու կառավարության մտադրությունը, նրանք դանդաղում էին շարժվել իրենց տեղերից, դրանով հարկադրելով լիբանոնյաններին՝ վավերացնելու կամ հավաստիացում տալու վերը նշատակված պայմանները իրականացնելու վերաբերյալ: Այսպես, 1778 թ. օգոստոսին ֆելդմարշալ Թումյանցեր Նովոռոսիայի կառավարիչ Գ. Ա. Պոտյոմկինին գրում էր, որ քրիստոնյաները ղեռնա տատանվում են գաղթել, ուստի հարկ է միջոցներ ձեռնարկել արագացնելու խոստացված արտոնագրերը¹²:

Մյուս կողմից ղրիմահայերը դիմում են ոչ պաշտոնական ուղիներով իրենց ցանկություններն իրականացնելու միջոցին: Ղրիմում հայտնի էին Հաղարյանների համրավաժող տոհմի, մասնավորապես Աղաղարի անդրանիկ որդու ազնվական Հովհաննես Հաղարյանի՝ բարձրաստիճան պետական գործիչների շրջանում ունեցած ազդեցիկ կապերը: Ստանալով Թուրքիայի տիրապետության տակ անցնելու մասին կայսրուհու համաձայնությունը, Ղրիմի հայ հասարակությունը բարձրագույն շնորհագիրը հաջողացնելու և արագացնելու նպատակով երկու պատգամավոր է առաքում Պետերբուրգ: Ղրիմահայերի հոգևոր առաջնորդ Պետրոս վարդապետ Մարկոսյանը հատուկ նամակ է գրում Հովհաննես Հաղարյանին և հանգամանորեն պատմելով գաղթի կաղմակերպման հանգամանքները, խնդրում է նրա միջնորդությունը կայսերական հրովարտակր հաջողացնելու համար: «Ներկա ընտրութեամբ ամենայն հասարակութեանս, — գրում է Պ. Մարկոսյանը, — առաքեսցին Յարութիւն Իգնատոսեան Սպանդուկ և Կարապետ Ոսկանեան Ամիրովն վասն մեծախոնարհութեամբ հայցելոյ միջնորդութեամբ բարձր ազնվականութեանն ձերոյ օգոստոսափառ և ամենողորմ կայսերուհոյն զհրովարտակ կայսերական վասն հիմնադրութեան յավիտենականի բնակութեան նոցին»¹³: Ընդառաջելով ղրիմահայերի խնդրանքին, Հ. Հաղարյանը իր հերթին ղրիմում է այդ ժամանակ մայրաքաղաքում գտնվող Գ. Պոտյոմկինին և վերջինիս միջոցով հաջողացնում բնակության հարմար վայր և կայսերական շնորհագիր ստանալու նրանց ցանկությունների կատարումը¹⁴:

Արխիվներում պահպանվել են գաղթողների կողմից կառավարությանը ներկայացրած պահանջների մշակված տարբերակները՝ ժնչպիսի հիմունքներով են Ղրիմից գաղթող հայերը ցանկանում վերաբնակվել ռուսական կայսրությունում և խնդրում բարձրագույն հրովարտակ վերնագրով: Այդ պայմաններից, կամ ինչպես ժամանակին անվանել են՝ «կոնդիցիաներ»-ից, առաջինը (ռուսերեն և հայերեն լեզուներով) պահվում է ՀՍՍՌ Պետական Մատենադարանի Հաղարյանների արխիվում¹⁵, իսկ մյուսը՝ Լենինգրադի կենտրոնական պատմական արխիվի՝ նույնպես Հաղարյանների ֆոնդում¹⁶, երկուսն էլ թվագրված չեն: Դրանք նույնաբովանդակ վավերագրեր են, միայն Լենինգրադի արխիվում պահվողը առաջինի առավել մշակված ու վերախմբագրված,

¹¹ Տե՛ս Н. Дубровин, Присоединение Крыма к России (рескрипты, письма, реляции и донесения), том I, 1778, էջ 556—557:

¹² Նույն տեղում, էջ 614—615:

¹³ Մատենադարան, Հաղարյանների արխիվ, թ. 109, գ. 22, վ. 23:

¹⁴ «Դիվան հայոց պատմության», գիրք Թ, Թիֆլիս, 1911, էջ 23:

¹⁵ Տե՛ս Մատենադարան, Հաղարյանների արխիվ, թղթ. 109, գ. 16, վ. 33, թ. 1—6:

¹⁶ Տե՛ս ЦГИА СССР, ф. 880, оп. I, д. 19, лл. 100—104. Լենինգրադի արխիվի Հաղարյանների ֆոնդի սևագիր նյութերի մեջ հայտնաբերելով «կոնդիցիաներ»-ի այս տարբերակը, Վ. Դիլոյանը իրավացիորեն շեշտում է, որ սույն «պայմաններ»-ի մշակման գործում, որի համար հիմք են ծառայել 1763 թ. մանիֆեստը և 1779 թ. հուլիսի շնորհագիրը, մեծ մասնակցություն է ունեցել Հովհ. Հաղարյանը: Նա միաժամանակ մտառու քննարկման ենթարկելով «կոնդիցիաներ»-ը, գտնում է (մեր կարծիքով փոքր ինչ չափազանցությունների մեջ ընկնելով), որ այն ղրիմահայ բուրժուազիայի պահանջները բավարարող ու նրա դասակարգային շահերն արտահայտող փաստաթուղթ է: Տե՛ս В. А. Дилоян, Хозяйственная, политическая и культурная деятельность Лазаревых в России во второй половине XVIII в., автореферат, Ереван, 1962, էջ 16:

սակայն ոչ իմաստափոխված օրինակն է և այդ առումով էլ միայն մասնակի տարրերություններ ունի նրա համեմատությամբ:

Ամենայն հավանականությամբ «կոնդիցիաներ»-ի վերամշակված այդ տարրերակր կազմվել է 1779 թ. ամռանը. համեմայն ղեկս հունիս ամսից ոչ առաջ:

Վերոհիշյալ «պայմաններ»-ը բաղկացած էին տասներեք կետերից և ունեին հետևյալ բովանդակությունը: Ազովի նահանգում բնակավայր ընտրելու իրավունքը վերապահվում է նորեկներին: Վերջիններս կարող են հաստատվել ցանկացած անտառապատ և դաշտավարության ու անասնապահության համար անհրաժեշտ տարածություն ունեցող վայրերում: Այդ ամենը տրվելու էր իրանց մշտապես, ժառանգարար օգտագործման համար: Բաղթողները բնակության համար կառուցելու են երեք զյուղ և մեկ քաղաք՝ Ալեքսանդրուրգ անունով: Պետությունը պարտավորվելու էր կառուցումների համար տասնամյա ժամկետով առանց տկոսի նրանց վարկավորել, իսկ նյութապես ապահովված անձնավորությունները կարող են տներ կառուցել ըստ ցանկության: Վերաբնակիչներին թույլատրվելու է առանց հարկ վճարելու ազատորեն ձկնորսությամբ զբաղվել, իսկ կողմնակի բնակիչներին՝ այն արգելվելու է:

«Կոնդիցիաներ»-ում նախատեսվում էր առևտրի ու արհեստագործության ազատ զարգացում: Նորարեկներին իրավունք էր վերապահվելու անարգել զբաղվել ամեն տեսակ արհեստներով, գործարաններ հիմնել և ազատ առևտուր անել երկրի ներսում և արտասահմանում: Առևտրի համար նրանք կարող էին ծովային նավեր ունենալ, իսկ հայկական գյուղերը, իրենց պահանջի համապատասխան՝ գետային նավեր: Այնուհետև «կոնդիցիաներ»-ը պահանջում էին ապահովել այգեգործությամբ և գինեգործությամբ ազատորեն զբաղվելու հնարավորություն: Նորարեկները տեղում իրավունք պետք է ունենան զբաղվելու օղու և գինու մանրածախ առևտրով, համայնքի տերիտորիաներում այլ անձինք չպետք է օգտվեն այդ իրավունքից: Գաղթողներին իրավունք էր վերապահվում Ռուսաստանի այլ վայրերում գինու և խաղողի օղու մանրածախ առևտուր անելու:

Առաջադրվում էր դավանանքի լիիրավ ազատության պահանջ: Հայ բնակչությունը ազատորեն կարող էր եկեղեցիներ և զանգակատներ կառուցել ու կատարել լուսավորչական եկեղեցուն հատուկ ծիսակատարություններ: Նա, բացառությամբ սակավաթիվ հայ կաթոլիկների, ենթարկվելու էր Արարատյան մայր աթոռի հոգևոր իշխանությանը: Ռուսաստանի արևմտյան մասի հայ զաղթօջախներում Հոռմից եկող կաթոլիկացիների քաղաքականությունը և այլ հոգի վրա լուսավորչականների և կաթոլիկների տեական հակամարտը թելադրում էին աշախույժ լինել կաթոլիկացիների վտանգից իսպառ զերծ մնալու համար: Դավանանքի հարցին վերաբերող «պայմաններ»-ի յոթերորդ կետում արգելվում էր հակառակ դավանանքի (լուսավորչական թե կաթոլիկ) պատկանող անձանց գալթակղելը և իր հոտի մեջ ներգրավելը: Նման քայլեր կատարողները պետք է պատժվեն պետական օրենքների ամբողջ խստությամբ:

Գաղթողները «կոնդիցիաներ»-ում նախատեսում էին նաև ռազմական և քաղաքացիական ծառայություններից, զորքին յթևան հատկացնելուց ու սայլակառքով տեղափոխություններ կատարելուց, պետական էշխատանքներից և զինվորակոչությունից առհավետ ազատելու պահանջներ: Նրանք երեսուն տարով ազատ էին մնալու նաև ամեն տեսակ արքունական հարկերից (բացառությամբ մաքսից), իսկ այդ ժամանակամիջոցը լրանալուց հետո վաճառականները պարտավոր էին վճարել սեփական կապիտալի մեկ տոկոսի չափով, իսկ արհեստավորները և քաղաքացիները յուրաքանչյուր տնից երկուսական ռուրլի: Հողագործները վճարելու էին հողահարկ՝ ամեն մի դեսյատին հողամասի դիմաց հինգական կոպեկ:

Ալեքսանդրուրգում հիմնվելու էր ռատհաուզ¹⁷, ուր արժանավոր անձնավորություններից ընտրվելու էին դատավորներ: Դատավարությունը կատարվելու էր հայկական ազգային օրենքների ու սովորույթների հիման վրա: Գյուղերում ռատհաուզը ունենալու էր օրինականությունը պահպանող իր վերահսկիչները: Քրեական ծանր հանցագործներին ռատհաուզը պարտավոր էր ուղարկել Ազովի նահանգապետին կամ նահանգային գրասենյակ: Ռատհաուզին էին վերապահվելու նաև ոստիկանության ֆունկցիաները: Վերջինս պարտավոր էր հարմար մարդ ընտրել քաղաքում ոստիկանապետի պաշտոնը վարելու համար, տալով նրան պահանջվող ծառայողներ և համապատասխան հրահանգներ: Ռատհաուզը ունենալու էր հատուկ կնիք: Նա իրավասու էր լինելու իր ենթակայության տակ գտնվող բնակչությանը տալու ինչպես Ռուսաստանի այլ վայրեր, այնպես էլ արտասահման մեկնելու անձնագիր:

¹⁷ Ռատհաուզը քաղաքային ինքնավարության օրգան էր, որը հիմնվել էր Ռուսաստանում 1699 թ. և զբաղվում էր ֆինանսական ու դատական խնդիրներով:

Ամեն տեսակ տնտեսականներից և պատահականություններից քաղաքը պաշտպանելու համար փոխարքան մեկ ավագ սպա էր նշանակելու, որը իր տրամադրությունն տակ ունենալու էր առանձին ջոկատ: Այդ ավագ սպան իր հերթին գյուղերում նշանակելու էր ենթասպաններ՝ մի քանի ղինվորներով: Հիշյալ ենթասպաններն իրավասու չէին լինելու միջամտելու որևէ դատական, քաղաքացիական և ոստիկանական գործերի: Այդ նպատակով փոխարքան նրանց պետք է գործունեության անհրաժեշտ հրահանգներ տար:

«Կոնդիցիաններ»-ի վերջում նշվում է, որ եթե գաղթող հայերը առևտրի, երկրագործության և մանուֆակտուրաների համար պետությունից օգնություն խնդրելու կարիք ունենան, ապա պետությունը պարտավոր է տալ այդ օգնությունը տաս տարի ժամանակով՝ առանց տոկոսների: Տաս տարին լրանալուց հետո, եթե անգամ դրամ ստացած անձինք նարավորություն չունենալին այն վերադարձնելու, հասարակությունը պարտավորվում էր երեք տարվա ընթացքում վերադարձնել ստացված գումարը ամբողջությամբ:

«Պայմաններ»-ը կազմելիս օգտագործվել էին Նովոռոսիան բնակեցնելու նպատակով, մասնավորապես օտարերկրացիներին շահագրգռելու համար նրանց մի շարք արտոնություններ ապահովող՝ կառավարական 1763 թ. մանիֆեստը և առավելապես զրիմաբնակ հույների կայսերական շնորհագիրը: Բնավ պատահական չէ, որ Հազարյանների ֆոնդի զրիմահայերի գաղթին վերաբերող նյութերի մեջ «Կոնդիցիաններ»-ից զատ դրվում են նաև 1763 թ. մանիֆեստի և հույների 1779 թ. մայիսի 21-ի շնորհագրի լրիվ տեքստերը¹⁸:

«Կոնդիցիաններ» կազմողները անմիջականորեն հիմք են ընդունել այդ երկու վավերագրերը ուսական ընդհանուր օրենքներին չհակասելու, հարավում տարվող նրա քաղաքականությանը համահունչուն դարձնելու ձգտումով: Միաժամանակ նկատի էին առնված զրիմահայերի ազգային սովորությունները և, ինչպես դժվար չէ նկատել, կազմված էր տակավին գաղթից առաջ ներկայացրած նրանց պահանջների ոգով:

Վերը բերված «Կոնդիցիաններ»-ը անմիջական հիմք դարձնելով՝ կառավարական բարձր ոլորտներում մշակվեցին զրիմահայերին տրվող 1779 թ. նոյեմբերի 14-ի առանձնաշնորհումները:

«Պայմաններ»-ը ձևավորելուց և խմբագրելուց հետո պահանջվել է շուրջ երեք-չորս ամիս ժամանակ, մինչև որ դրանք որոշ փոփոխություններ կրելով, կայսերական հրովարտակով պաշտոնական ուժ են ստացել: Ինքնին հարց է առաջանում, թե հայերի ցանկություններն ու պահանջները որքանով են հաշվի առնվել և կառավարության կողմից ընդունելի համարվելով՝ իրենց մարմնավորումը գտել առանձնաշնորհումների մեջ:

Կրկնությունից խուսափելու նպատակով ավելորդ ենք համարում հոդված առ հոդված վերապատմել Եկատերինա II-ի զրիմահայերին տված շնորհագիրը¹⁹, նշենք միայն հայերի առաջադրած «պայմաններ»-ի և շնորհագրի տարբերությունները:

«Պայմաններ»-ի երկրորդ կետի համաձայն հայերը նոր բնակավայրում կառուցել էին երեք գյուղ և Ալեքսանդրոպոլս անունով քաղաք: Հայտնի է, որ երեքի փոխարեն հիմնադրվեց հինգ գյուղ: Նոր քաղաքը նրանք ցանկացել են Ալեքսանդրոպոլս անվանել՝ հավանաբար կայսրուհու նորածին թոռան, հետագայում բուսական կայսր Ալեքսանդր Ա-ի անունով: Սակայն քաղաքը, ինչ-ինչ պատճառներով, կայսրուհու թոռան անունով կոչելը նպատակահարմար չի դիտվել և հրովարտակով փոխարինվել է Նախիջևան անունով: Սկզբնական մեղմ կլիմա ու զրավիչ բնություն ունեցող երկրից գաղթողները, բնակելով Դոնի անմարդաբնակ, խստաշունչ տափաստանները, հարկավ, չէին կարող մոռանալ իրենց թողած դարավոր բնակավայրերը: Նրանք նոր վայրում ամենուրեք աշխատում էին պահպանել հարազատ գյուղերի, եկեղեցիների, անգամ դպրոցների, լիւրներին ու աղբյուրների անունները, դրանով ստեղծելով Ղրիմի պատրանքը: Ուսումնասիրողների մի մասը, ելնելով այդ հանգամանքից՝ հետևել է, թե հայերը նորահաստատ քաղաքը Նախիջևան են անվանել Ղրիմի համանուն հայկական գյուղի հիշատակին: Ոմանք էլ «Նախնական իջևան» արտահայտությունից են քաղաքի անունը մակաբերում: Առավել հավանական է թվում

¹⁸ Տե՛ս ЦГИА, СССР, ф. 880, оп. 1, д. 19, лл. 78—79, 158--159.

¹⁹ 1779 թ. նոյեմբերի 14-ին Եկատերինա II-ի ստորագրությամբ տրված հրովարտակը գրված է ռուսերեն և հայերեն լեզուներով, չքեղ կազմի մեջ ամփոփված, մեծադիր զեղեցիկ թղթի վրա: Ոսկեթել ժապավենով հրովարտակին ամրացված է նրա վավերականությունը հավաստող թիթեղյա տուփի մեջ դրված կայսերական կրոր կնիքը: Այժմ այն պահվում է ՀՍՍՌ-ի Կուլտուրայի մինիստրության պետական պատմական թանգարանում:

գերիշխող տեսակետը, ըստ որի՝ զրիմահայերի նորահաստատ քաղաքը կոչվել է Արարատյան դաշտի հնագույն քաղաքի՝ Նոյի տապանի առասպելի հետ կապվող Նախիջևանի անունով²⁰:

«Պայմաններ»-ում, ինչպես նկատեցինք, նորարարները երեսուն տարով ազատվում էին պետական պարտավորություններից, հարկերից, բացառությամբ մաքսի: Առևտրի ոչ մի սահմանափակում չէր նախատեսվում: Այնինչ հայերին տրված շնորհադրի համաձայն նրանք պարտավոր էին իրենց սահմաններով անցնող զորամասերին ապահովել պարենով, անհրաժեշտության պարագայում՝ նաև օթևանով: Հարկերից ազատվում էին երեսունի փոխարեն տաս տարով, իսկ ֆրանսիական օդու ազատ վաճառքը Ռուսաստանում մերժվում էր: Այլ խոսքով՝ տնտեսական նշանակություն ունեցող այս հարցերում բավականաչափ սահմանափակվում էին նրանց պահանջած արտոնությունները:

Հայ լուսավորչականներին և կաթոլիկներին վերաբերող ներքին դավանաբանական խնդիրներն իսպառ տեղ չեն գտել հրովարտակում:

Գաղութում դատական և ոստիկանական ֆունկցիաները կառարելու համար նախատեսված ռատհուզը շնորհագրում փոխարինվել էր մագիստրատով: Ծիշտ է, մագիստրատը թերևս ավելի մեծ իրավունքներ ունեցող վարչական միավոր էր, քան ռատհուզը, սակայն քանի որ «պայմաններ»-ում ռատհուզին էլ բավական մեծ իրավասություն էր նախատեսվում, ուստի դրանից որևէ բան չէր փոխվում:

«Կոնդիցիաներ»-ի համաձայն օրինականությանը հետևելու համար գյուղերում նախատեսվում էր ռատհուզի կողմից ունենալ մեկական ներկայացուցիչ, որը հրովարտակում փոխարինվել էր մեկ ուս պաշտոնյա ունենալու անհրաժեշտությամբ:

Հանրագումարի բերելով դժվար չէ նկատել, որ «պայմաններ»-ը ամբողջության մեջ զրիմահայ գաղթականների համար ավելի մեծ իրավունքներ և արտոնություններ էին պահանջում, քան նրանց շնորհված էր կայսերական հրովարտակով: Ընդհանուր առմամբ հայերի առաջադրած պահանջները խմբագրվել էին նրանց իրավունքներն ու նախատեսվող արտոնությունները սահմանափակելու ուղղությամբ:

Հարկ է նշել, սակայն, որ զրիմահայերի՝ «պայմաններ»-ում արձանագրված ցանկությունները հիմնականում հաշվի են առնվել և իրենց արտահայտությունն են գտել շնորհագրում: Նրանում խմբագրված ձևով արտացոլված կամ լիովին ղուրս մնացած խնդիրները որակ չէին կազմում: Ավելին, զրիմահայերին տրված առանձնաշնորհումները նրանց բախտակից հույներին շնորհած հրովարտակի-1 հետ բաղդատելիս պարզվում է, որ առաջիններին սեփական իրավական և սովորութային նորմերով առաջնորդվելու և ներքին ինքնավարություն ունենալու առավել նշանակալից արտոնություններ էին տրվում, քան հույներին: Բավական է հիշել թեկուզ այն փաստը, որ հույները մագիստրատ հիմնելու իրավունք չստացան: Անտարակույս, այդ որոշ առավելությունները պատահականության հետևանք չէին, այլ պայմանավորված էին կովկասյան գծով դեպի արավ ծավալվելու ընթացքում հայերի համակրությունն ու աջակցությունը շահելու ցարական Ռուսաստանի նկատառումներով: Հասկանալի է, սակայն, որ եկատերինա II-ի ձեռքով տրված այդ երկու շնորհագրերն էլ իրենց հիմնական մասում հար և նման էին միմյանց. ուրիշ կերպ չէր էլ կարող լինել, որովհետև երկու ժողովուրդների պատմականորեն նույն վիճակում գտնվող և միևնույն շարժառիթներով գաղթեցվող հատվածները, բնականաբար, համանման պայմանների մեջ էին դրվելու:

Այսպիսով, հարավային Ռուսաստանը բնակեցնելու, տնտեսապես այն յուրացնելու և այդ նպատակով այնտեղ հաստատվող օտարերկրացիներին հովանավորելու ընդհանուր քաղաքականության պայմաններում և հայ ազատագրական հերոսականների աշխուժացման ու Ռուսաստանի

²⁰ Բավական երկար ժամանակ, մինչև 1838 թ. քաղաքը այդպես էլ անվանվել է 1838 թ. Նովոռոսիայի և Բեսարաբիայի գեներալ-նահանգապետ Ս. Ս. Վորոնցովը զեկուցագիր է ներկայացնում պետական սենատ այն մասին, որ հայկական երկու քաղաքների անունների նույնության հետևանքով շփոթվում են զրազրությունները, անգամ կալանավորներն ուղարկվում են սխալ հասցեով և տեղիք տալիս բազում թյուրիմացությունների: Նույն թվականի փետրվարի 15-ին սենատը որոշում է Տագանրոգի քաղաքապետության (градоначальство) վարչական ենթակայության մեջ գտնվող քաղաքը այսուհետև կոչել Դոնի Նախիջևան, կամ Նոր-Նախիջևան, իսկ հայկական մարզի քաղաքը՝ ուղղակի Նախիջևան (տե՛ս «Екатеринославские губернские ведомости», 1838. № 15, էջ 69 - 70):

²¹ Տե՛ս Н. Лубровин, Присоединение Крыма к России, т. III, 1887, էջ 196 - 197:

Հոգնավորության ներքո երկրի քաղաքական անկախությունը վերականգնելու պատրանքների շրջանում ղրիմահայերին նշունակալից արտոնություններ շնորհվեցին:

Դժվար չէ նկատել, որ թե՛ «կոնդիցիաներ»-ը և թե՛ կայսերական շնորհագիրը առաջին հերթին արտահայտում էին գրիմահայ հասարակության բուրժուականացման ուղին բռնած առևտրա-արդյունագործական և կղերա-աղայական վերնախավի շահերը: Ներքին ու արտաքին առևտրի ազատության, անարգել կերպով մանուֆակտուրաներ և գործարաններ հիմնելու նրանց ձեռնարկության համար լայն ճանապարհ բացող արտոնությունները տրվում էին առևտրա-արդյունագործական շերտերի տնտեսական ազատ զարգացումը ապահովելու նպատակով: Անշուշտ, ազնվականության վրա հենվող միապետական կառավարությունը չէր կարող մոռանալ ու անտեսել ազնվականության և հոգևորականության ուրույն շահերը: Հրովարտակը, ինչպես տեսանք, հողային ընդարձակ տարածություններ էր նախատեսում կալվածատիրական շերտերի համար, ինչպես նաև հոգևորականության արտոնյալ վիճակը անփոփոխ պահելու երաշխիք տալիս:

Նոր-Նախիջևանի գաղութի կազմավորման ժամանակ հատկանշականն ու բնորոշը սոցիալ-տնտեսական կյանքի ձևավորման և նրա հետագա զարգացման բնույթի հարցն էր: Ինչպես արդեն նկատեցինք, հայ գյուղացիները մշտական բնակավայրում ստացած հողամասերի ղիմաց վճարելու էին ոչ թե գլխահարկ, Ռուսաստանի ճորտ գյուղացիության նման, այլ հողահարկ՝ հարկ հողից օգտվելու իրավունքի համար: Նշանակում է հենց գաղթօջախի սկզբնավորման շրջանից ինչպես երկրագործությունը, այնպես էլ արհեստագործությունն ու արդյունաբերությունը խարսխվում են ազատ վարձու աշխատանքի վրա և մեծ չափով գերծմնում ճորտատիրական կաշկանդումներից: Դա իր հերթին ուղիներ է հարթում տնտեսական կյանքը ավելի ազատ ու առաջավոր եղանակով՝ կապիտալիստական եղանակով զարգացնելու համար: Սա կարևոր մի հանգամանք էր, որն ուղենշեց հայ ինքնավար համայնքի սոցիալ-տնտեսական հետագա զարգացման ընթացքը:

Առանձնաշնորհումների ընձեռած հնարավորությունների շրջանակներում և նրա հիման վրա ձևավորվեց նորահաստատ գաղութի ինքնավարությունը: Տակավին 1780 թ. կազմակերպվում է հայկական մագիստրատը, որը իր մեջ միավորում էր գաղութի (քաղաքի և գյուղերի) թե՛ դատաստանական, թե՛ ոստիկանական և թե՛ գործադիր իշխանության ֆունկցիաները²²: Մագիստրատը կառավարվել է երեք դատավորներով, որոնցից մեկը եղել է մագիստրատի նախագահը և կոչվել է «առաջին դատավոր», մյուս երկուսը՝ նրա դատակից կուլեգաները և անվանվել են «երկրորդ դատավոր»: Ոստիկանության ծառայության համար ընտրվել է երկու հոգի, որոնք մագիստրատում ներկա գտնված ժամանակ մասնակցել են դատարանի ատենական գործերին և դատավարությանը: Ոստիկան-դատավորներից մեկը կատարել է ոստիկանի պաշտոնը քաղաքում, իսկ մյուսը՝ հայկական գյուղերում:

Մագիստրատի դատավարական և ոստիկանական մասի այդ հինգ դատավորները ընտրվում էին երեք տարի ժամանակով ժողովրդի բոլոր խավերի՝ վաճառականների, քաղաքացիների, արհեստավորների, երկրագործների կողմից: Ահա այդ դատավորներն էին, որոնք հրովարտակի 5-րդ հոդվածի համաձայն ընտրվելու էին վիճակահանությամբ և կառավարելու էին հայ հասարակության ամբողջ գործերը: Նոր-Նախիջևանի պատմության քաջատեղյակ հեղինակ Երվանդ Շահազիզը նկատում է, որ մագիստրատի ընտրությունների օրինակ անվերապահորեն առաջնություն էին տալիս նյութական կարողության տեր մարդկանց, որպեսզի «առանց քայքայելու յուրյանց տնտեսական և նյութական դրությունը, անձնատուր լինեն հասարակաց գործերին»²³:

22 Մագիստրատը լատիներեն magistratus—իշխանություն, վարչություն բառից է ծագում: Եվրոպական որոշ երկրներում բուրժուական հարաբերությունների զարգացման շրջանում է այդպես անվանվել քաղաքային վարչությունը: Մագիստրատները Ռուսաստանում, որպես քաղաքային վարչության օրգաններ, Արևմուտքի երկրների օրինակով, հիմնվել են տակավին Պետրոս 1-ի օրոք, 1718 թ.: Մագիստրատը ուներ հարկերի հավաքման, դատական, լուսավորական, արհեստավորական համքայրություններին վերահսկելու ֆունկցիաներ: Նրանում ընտրվում էին առևտրա-արդյունաբերական հարուստ շերտերը: 1775 թ. մագիստրատը վերափոխվում է և դառնում վաճառականների ու քաղաքացիների սոսկ դատական գործերով զբաղվող հաստատություն և իր գոյությունը պահպանում մինչև 1864 թ.: Նոր-Նախիջևանում առանձին ինքնավար գաղութի գոյության փաստը մագիստրատին առավել մեծ իրավունքներ էր վերապահում: Նախիջևանի հայկական մագիստրատը փաստորեն օգտվում էր քաղաքային ինքնավարության՝ մինչև 1775 թ. ունեցած լայն իրավունքներից:

23 Ե. Շահազիզ, Պատմական պատկերներ, Քիֆլիս, 1903, էջ 12:

նյութական կարողության տեր լինելու հանգամանքը փաստորեն մի պատրվակ էր, որով ինքնավար գաղութի կառավարումը հանձնվում էր իշխող դասերի ձեռքը և արգելակում ու փաստորեն ի չիք դարձնում երկրագործների և քաղաքի ներքնախավերի ընտրվելու և ղեկավարմանը մասնակցելու իրավունքը:

Դատավորների իշխանության տակ գտնվում էր ատենադպիրը, որը դատարանի ղեկավարության գլխավորն էր. նրա ձեռքով էին անցնում բոլոր գրագրությունները²⁴։ Հետագայում մագիստրատի դատական մասում առաջացան ավագի (ստարոստա) և բանտապետի պաշտոնները։ Ավագի ձեռքին կենտրոնացած էր դատարանի դրամական մասը, նա էր տուգանքներ, հարկեր հավաքողը, դատարանի ներքին ծախսեր կատարողը։ Հայկական գյուղերը, մագիստրատի ընդհանուր ղեկավարությանը ենթակա լինելով հանդերձ, ունեցել են նաև կառավարման տեղական «ըզաններ»՝ հանձին ատամանի (օտոմանի)²⁵ և ծերերի։ Յուրաքանչյուր գյուղ կառավարվել է մեկ ատամանի և չորս ծերերի միջոցով, որոնք ընտրվում էին ձայների մեծամասնությամբ, մեկ տարի ժամանակով։ Մագիստրատի գրավոր և բանավոր հրամանները ուղղվում էին ատամանին և ծերերին, վերջիններս հայտնում էին դրանք տվյալ գյուղի հասարակությանը, որի մեծամասնության ընդունած վճիռն էլ պարտադիր էր բոլորի համար։ Ատամանի և ծերերի պարտականությունն էր մագիստրատի հրամանների և հանձնարարությունների կատարմանը հետևելը, հարկերի գանձմանը և «անհնազանդ» գյուղացիներին հասարակության առաջ «խրատելն» ու հանդիմանելը։ Այդ միջոցը ազդեցություն չգործելու պարագայում հանդավոր պետք է ներկայացվեր մագիստրատ:

Քաղաքում և գյուղերում կայսերական շնորհագրի պահանջի համաձայն պաշտոնավարել են նաև հատուկ ուս ներկայացուցիչներ, որոնք սակայն իրավասու չեն եղել միջամտելու տվյալ հասարակության ներքին գործերին, այլ համարվել են միայն օրինականության պահպանողներ։ Ու հսկիչներ։ Յուրաքանչյուր գյուղ պարտավոր էր վճարել նրանց տարեկան 60 ո. ոռճիկ, հատկացնել բնակարան, վառելիք, մեկ փութ յուղ, երկու խսիր ցորեն, ձիու համար խոտ²⁶:

Մագիստրատ հիմնելուց հետո, բնականաբար, առաջ է եկել սեփական օրենքներով և սովորություններով ղեկավարվելու համար դատաստանագիրք ունենալու հարցը, որպիսի իրավունք վերապահվում էր շնորհագրով։ Նոր օրենքների ժողովածու կազմելու անհրաժեշտությունը վերանում էր, քանի որ Աստրախանի, Ղզլարի, Մոզդոկի հայ գաղութներում գործածության մեջ էր նման պահանջներ բավարարող մի դատաստանագիրք։ «Աստրախանի հայոց դատաստանագրքի» կամ ուղղակի՝ «Հայկական դատաստանագրքի» (կազմվել է 1765 թ.) հեղինակները թեպետ իրենց օգտագործած դրավոր աղբյուրներից առաջինը հիշատակում են Հուստինիանոսի օրենսգիրքը, սակայն ուսումնասիրությունից պարզվում է, որ աննշան չափով են օգտվել բյուզանդական կայսրի օրենքներից։ Նրանից քաղվածաբար թարգմանված բոլոր հոդվածներն էլ վերափոխվել և հարմարեցվել են ռուսահայերի տնտեսական և քաղաքական պայմաններին։ «Հայկական դատաստանագրքի» վրա առավելապես զգացվում է ազգային սովորության նորմերի։ Մխիթար Գոշի Դատաստանագրքի և ռուսական օրենքների ու ընդհանրապես ռուսական միջավայրի ազդեցությունը²⁸:

Մագիստրատում դատավարությունը, ինչպես նաև ամբողջ գործավարությունը կատարվել է հայերեն լեզվով «Հայկական դատաստանագրքի» հիման վրա, որը 1782 թ. Հ. Արղությանը Աստրախանից բերել էր Նոր-Նախիջևան²⁹։ Թեպետ «Դատաստանագիրքը» առանձին մարդկանց հեղինակությամբ էր ստեղծված, սակայն այն ճանաչվել է պետության կողմից, պարտադիր օրենքի ուժ է ունեցել և Նոր-Նախիջևանի գաղութում կիրառվել մինչև անցյալ դարի 60-ական թթ. վերջը:

Հարկավ, Հ. Արղությանին, պաշտոնի բերումով, մտահոգում էր գաղութի հոգևոր իշխանության և նրա իրավասությունների հարցը. ուստի մագիստրատի հաստատումից անմիջապես հետո

²⁴ Նույն տեղում, էջ 4:

²⁵ Ատամանը կապական մարդերում ռազմա-վարչական պաշտոնյա էր։ Դրանի կազակային շրջապատի ազդեցության տակ հայկական գյուղերի պետերն էլ էին կոչվում ատաման, սակայն, ազավաղվելով այն օտոման ձևն էր ստանում:

²⁶ Տե՛ս «Լույս», շաբաթաթերթ, 1914, № 10:

²⁷ «Դատաստանագրքի» մասին տե՛ս Ֆ. Պողոսյան, Աստրախանի հայոց դատաստանագիրքը, «Բանբեր մատենադարանի», № 6, Երևան, 1962, էջ 171—195:

²⁸ Центральный Гос. архив Октябрьской революции, ф. 109, 1866 г., д. 5. ч. 47. л. 25.

Նա ձեռնամուխ է լինում հոգևոր դատարան հիմնելու գործին 1781 թ. Պետերբուրգից ռուսահայերի հոգևոր առաջնորդը գրում էր. «Արդ տեսանեմք որ ի մեջ քաղաքից մերայինքն զկառավարութիւնս իւրեանց թերի ունին և յորժամ ի ձեռին միոյ է իշխանութիւն, խանգարիչ լինի կարգաց քան թէ պահպանող, և ոչ բարեպետ աստուած է ի գործ զհոգևորն իշխանութիւն, ուստի բարւոր համարեցար առնել ըստ օրինի նախիջևանա նորաշէն քաղաքին, լինել հոգևոր դատարան և ի նմա շորս անձինք նստիլ և ի միասին տեսանել զամենայն ինչ»³⁰։ Նույն թվականին հայ հին եկեղեցական կանոններից ծաղկաքաղ անելու և ռուսահայ կյանքի տեղական պահանջներին հարմարեցնելու եղանակով նա կազմում է հոգևոր դատարանի կանոնները³¹։ Այդ կանոնները նախիջևանից գատ կիրառվել են նաև մյուս գաղթօջախներում՝ մինչև 1836 թ., եկեղեցու ընդհանուր նոր կանոնադրության (Положение-и) հաստատումը։ Դրանք բաղկացած են վեց մասից և վերաբերում են եկեղեցու աստիճանավորների պարտավորություններին ու իրավասություններին, ժողովրդից հասույթ զանձնելու կարգին, Երուսաղեմից եկած նվիրակներին, հոգևոր դատարանի կառավարման եղանակին։

Ուշագրավ է, որ կանոնների մի ամբողջ բաժին նվիրված է էջմիածնի մայր Աթոռին։ Հ. Արդուիթյանը՝ XVIII դարի ազատագրական շարժման նշանավոր գործիչներից մեկը, լավ էր ըմբռնում, որ հայ պետականության բացակայության պայմաններում հայ եկեղեցին է համազգային այն հաստատությունը, որը կարող է և անգամ կոչված է ազգային-քաղաքական հարցերը լուծելու համար հարաբերությունների մեջ մտնել ռուսական արքունիքի հետ։ Այդ նպատակով էլ եա ամեն կերպ ձգտել է բարձրացնել էջմիածնի դերն ու հեղինակությունը իրեն ենթակա հայ գաղթօջախներում։

Հոգևոր դատարանի կանոնադրությամբ ռուսահայերի առաջնորդը փորձում էր կարգավորել եկեղեցու և աշխարհիկ իշխանության փոխհարաբերությունները։ Նրան առաջին հերթին մտահոգում էր եկեղեցուն որոշակի իրավունքներ տալու և աշխարհիկ կառավարչության միջամտությունից այն զերծ պահելու խնդիրը։ Վերոհիշյալ կանոններում իր այդ ձգտումը նա հայտնում է անսրող կերպով. «Զի այսուհետև Մազիստրաթն շունիցի իշխանութիւն այն անձանց բաշօրթ տալ, զի հոգևոր դատարանին է այն գործը Եւ որպես հոգևոր դատարանն շունի իշխանութիւն խառնիլ ի գործս մազիստրաթին, նոյնպես Մազիստրաթն ևւ տումն (դուման — Վ. Բ.) շունին իշխանութիւն քնալին խառնիլ ի գործս հոգևոր դատարանին, ըստ բարձրագոյն հրամանի իւրոհւոյ կայսերական Մեծութեանն»³²։

Այն կարևոր գերը, որ կատարում էր ռուսահայ թեմի առաջնորդը Ռուսաստանի ողջ հայ բնակչության կյանքում, Արդուիթյանը փորձում էր տաքածել առանձին գաղթօջախների հոգևոր իշխանությունների վրա ևս, որպեսզի վերջիններս նույն իրավունքներից օգտվեին և համանման դեր կատարեին։ Դա անիրականանալի ձգտում էր, քանի որ տեղերում տնտեսական, սոցիալական հարցերն էին զերակչում, որոնց փաստական ղեկավարությունը գտնվում էր աշխարհիկ իշխանության իրավասության ներքո։ Այդ պատճառով էլ Նոր-Նախիջևանի հոգևոր դատարանը, շնայած Հ. Արդուիթյանի ջանքերին ու տված լայն իրավունքներին, որևէ նշանակալից գեր չխաղաց։ Ավելին, հիմնադրվելուց փոքր-ինչ հետո առաջնաքարար նվազել է նրա կշիռը, սահմանափակվել գործունեության ոլորտը, իսկ Արդուիթյանի մահից հետո (1801 թ.) հոգևոր դատարանն ուղղակի գործիք է դարձել մազիստրատի և քաղաքագլխի ձեռքին։ Չնայած դրան, գաղթօջախում, սկզբնավորման շրջանից ընդհուպ մինչև անցյալ դարի կեսերը, կղերա-աղայական հոսանքը բաժնական գորեղ կերպով իրեն զգացնել էր տալիս և հաճախ քաղաքային վարչությունը իր ձեռքն էր վերցնում կամ իր ազդեցության տակ պահում։

1785 թ. ողջ Ռուսաստանում քաղաքներին վերաբերող կայսերական հրովարտակ է հրապարակվում, որով վերափոխվում են քաղաքային հասարակության կառուցվածքը, նրա ինքնավարության ֆունկցիաները։ Քաղաքների կառավարման նոր ձևը, որն անփոփոխ մնաց մինչև 1870 թ., հիմնականում արտոնություններ էր տալիս խոշոր վաճառականներին ու արդյունաբերողներին և պաշտպանում նրանց շահերը։

Հ. Արդուիթյանը, հենվելով առանձնաշնորհումների վրա, կաբոդանում է խափանել նոր օրենքի անմիջական գործադրությունը Նոր-Նախիջևանում։ Սակայն անհրաժեշտ էր ստեղծել պետության աջ օրենքին համապատասխան և միաժամանակ Նոր-Նախիջևանի առանձնաշնորհումների

³⁰ Մատենադարան, ձեռ. N 4496, թ. 27։

³¹ Կանոնները հրատարակվել են «Մասյաց աղավնի» ամսագրի 1864—1865 թթ. համարներում։

³² «Մասյաց աղավնի», 1865, հուլիս, էջ 163։

ոգուն համերաշխող քաղաքային իշխանության նոր օրդան, Այդ նպատակով Հ. Արդուբյանը կազմում է 13 հոդվածից բաղկացած «Դաշնադրության միաբանություն» վերտառությամբ կանոնադրությունը, որի հիման վրա 1795 թ. մայիսի 26-ին կազմակերպվում է հոգաբարձությունը՝ քաղաքային գուման կամ խորհրդարանը³³։ Նոր-Նախիջևանի քաղաքային խորհրդարանը կազմված էր 24 հոգաբարձուներից, որոնք եռամյա ժամկետով ընտրվում էին հայ հասարակության «պատվավոր» քաղաքացիներից և մագիստրատի հինգ դատավորներից, նրանք ամեն շաբաթ օր հավաքվում էին մագիստրատում և քաղաքապետի նախագահությամբ քաղաքի բարեկարգման վերաբերյալ նիստեր գումարում։

Այսպիսով, Նոր-Նախիջևանի հայաբնակ գաղութը հենց սկզբնավորման շրջանում իրեն ներկայացնում էր առանձնաշնորհումների համապատասխան ինքնավարություն ստացավ և ներքին կառավարման օրգաններ հիմնեց, որոնք առաջնորդվում էին իրավական ուժ ստացած ազգային ավանդներով և սովորույթային նորմերով։

Ղրիմահայերի գաղթի կազմակերպման և նոր բնակավայրում հաստատվելու շրջանում ակադիվ մասնակցություն ցուցաբերած անձնավորությունները ամենից առաջ մտահոգվել էին սեփական դասային բրավունքներն ու արտոնությունները պահպանելու և ամրապնդելու խնդրով։ Ինչպես «կոնդիցիաներ»-ում և թե՛ կայսերական առանձնաշնորհումների մեջ առաջին հերթին, ինչպես նշեցինք, նկատի էին առնված վերնախավերի շահերը։ Առանձնաշնորհումների ոգով ու նրա հիման վրա ձևավորված ինքնավարությունը լայն պայմաններ էր ընձեռում գաղթօջախի իշխող բարձունքները վաճառականության և ընդհանրապես տնտեսական հզոր վերնախավի ձեռքում էլենտրոնացնելու համար։ Միևնույն ժամանակ կայսերական առանձնաշնորհումները սոցիալական անհղուղթի վերին աստիճաններում կանգնած արտոնյալ խավերին ընձեռում էին այլ հնարավորություն ևս։ Գաղութի ինքնավար օրգանները, ազատ լինելով պետական ընդհանուր օրենքների կիրառման պարտադիր շրջանակներից, հնարավորություն են ստանում ընդարձակել իրենց իշխանության սահմանները, հետևաբար և գաղութի ներսում տարբեր բնույթի և մասշտաբի օրինազանցություններ կատարել։ Նոր-Նախիջևանի հետագա շրջանի, մասնավորապես XIX դարի կեսերի պատմությունը աուելցուն է նման, հաճախ գաղութի նեղ շրջանակներից դուրս եկող, անգամ համազգային բնույթ ստացող իրադարձություններով։

³³ Տե՛ս ЦГИА СССР, ф. 1374, оп. 1, л. 25, էջ 10—14.